



Adresseinformasjon fylles inn ved ekspedering.
Se mottakerliste nedenfor.

Dato: 28.04.2017
Vår ref: 15/01342-7
Deres ref:

Høring av søknad frå Åmund Nesland AS om driftskonsesjon for Skardsmo massetak i Bykle kommune

Leiv Erikssons vei 39
Postboks 3021 Lade
N-7441 Trondheim

TELEFON + 47 73 90 46 00
E-POST mail@dirmin.no
WEB www.dirmin.no

GIRO 7694.05.05883
SWIFT DNBANOKK
IBAN NO5376940505883
ORG_NR. NO 974 760 282

SVALBARDKONTOR
TELEFON +47 79 02 12 92

Direktoratet for mineralforvaltning med Bergmeisteren for Svalbard (DMF) har motteke søknad om driftskonsesjon etter § 43 i lov om erverv og utvinning av mineralressursar (minerallova) frå Åmund Nesland AS, datert 10.08.2015.

Søknaden om driftskonsesjon vert sendt med dette på høring i samsvar med forvaltningslova § 17. Vi ber kommunen om å informere oss så snart som mogleg viss det er særleg rørde partar som ikkje står på adresselista for denne høringa.

Høringsfrist: 01.06.2017

Søknaden med vedlegg er tilgjengeleg på DMFs heimeside: www.dirmin.no under "Saker til høring". Høringsinstansane kan få tilsendt papirutgåve av søknaden ved førespurnad.

Denne søknaden gjeld driftskonsesjon etter minerallova. Tildeling av driftskonsesjon erstattar ikkje krav om andre løyve, godkjenning, arealavklaring eller konsesjon etter anna lovgjeving.

Arealbruk vert regulert gjennom plan- og bygningslova der kommunen er forvaltningsmyndigheit. Utsegner knytt til kommunen sin vedtekne arealdisponeringar (arealplan, reguleringsplan og eventuell dispensasjon frå reguleringsplan) vektlegg vi difor ikkje i vurderinga vår.

Samandrag av søknaden

Skardsmo massetak er eit massetak lokalisert på gnr./bnr. 14/2 i Bykle kommune. Det omsøkte området er om lag 98 dekar og går fram av kart på side 17 i høyringsvedlegget.

Størstedelen av omsøkt område er avsett til råstoffutvinning i arealplanen til kommunen, medan område vest for høyspentlina på om lag 24 dekar er definert som LNF-område. Skardsmo massetak er vidare regulert i detaljregulering datert 24.09.2014.



Det er oppgjeve at førekomsten består av grus og stein og vil hovudsakleg bli nytta til pukk, maskingrus, veg, tomter og anna infrastruktur. Det er estimert eit årleg uttak på om lag 4.000 m³ og eit totalt uttak på 60.000 m³.

DMFs behandling av søknaden

Formålet med minerallova er å fremme og sikre samfunnsmessig forsvarleg forvaltning og bruk av mineralressursane i samsvar med prinsippet om berekraftig utvikling.

DMF er konsesjonsstyresmakt i saker med samla uttak av mineralførekomst på meir enn 10 000 m³ masse og for alle uttak av naturstein.

DMF sender søknadene, inkludert driftsplanar, på høyring til aktuelle høyringsinstansar jf. forvaltningslova § 17. Dette vil normalt vere grunneigaren og andre kjende rettshavarar, eigarar, drivarar og bebuarar og andre kjende rettshavarar på naboeigedommar som kan bli påverka, i tillegg til kommunen, fylkeskommunen og statlege forvaltningsorgan.

Søkjaren får høve til å kommentere innkomne høyringsfråsegner før DMF gjer vedtak.

Innkome konsesjonssøknader blir underlagde ei skjønsmessig prøving hos DMF før vi avgjer om vi skal gi driftskonsesjon. Ved vurderinga av om vi skal gi driftskonsesjon, legg vi vekt på om søkjaren er «skikka» til å utvinne førekomsten, det vil seie om prosjektet verkar gjennomførleg økonomisk, om det er lagt opp til bergfagleg forsvarleg drift, og om søkjaren har tilstrekkeleg kompetanse til å drive førekomsten.

Ved vurderinga av om vi skal gi driftskonsesjon, skal vi òg leggje vekt på:

- kva innverknad tiltaket vil ha på verdiskaping og næringsutvikling
- kva innverknad tiltaket eventuelt vil ha på naturgrunnlaget for samisk kultur, næringsliv og samfunnsliv
- kva innverknad tiltaket vil ha på omgivnadene og nærliggjande område under drifta
- kva konsekvensar ei utvinning vil ha for miljøet
- kva for planar som ligg føre for etterbruk eller tilbakeføring av området

Dersom DMF gir driftskonsesjon, er det normalt knytt vilkår til denne, jf. minerallova 43. Vilkåra omfattar blant anna krav om driftsplan, økonomisk garanti osv.

Nærmare om høyringsfråsegnene

Vi oppfordrar høyringsinstansane til å kome med grunngitte synspunkt på om DMF bør gi konsesjon eller ikkje, under dette kome med konkrete forslag til avbøtande tiltak og vilkår som bør stillast med tanke på det ansvarsområdet den aktuelle instansen er sett til å forvalte.

Frå private partar ber vi òg om innspel dei reknar som relevante ut frå konkrete forhold i den aktuelle saka. Dersom høyringsinstansen er kjend med forhold som ikkje er tilstrekkeleg klarlagde i søknaden, ønskjer vi opplysningar om det.

Vi ber kommunen, fylkesmannen og fylkeskommunen informera om tiltaket påverkar miljø, herunder naturmangfald, kulturminne og forureining. Viss kommunen eller



fylkesmannen har informasjon om slik påverknad, vil vi gjerne ha ei skildring av eventuelle konsekvensar og konkrete forslag til avbøtande tiltak og vilkår.

DMF har ved søk i naturbase og artskart (20.03.2017) fått treff som vist i kartutsnitt på side 18, 19 og 20 i høyringsvedlegget. DMF ber kommune og fylkesmann om å opplyse om det er tilhøve som bør omsynstas for å ta vare på naturtypen og artene i eller i tilgrensing til området. Tilsvarende blir fylkeskommunen bede om å opplyse om det er tilhøve som bør omsynstas for å ta vare på kulturminna i eller i tilgrensing til området.

Innsending av høyringsfråsegner

E-post: mail@dirmin.no

eller

Ordinær post: Direktoratet for mineralforvaltning med Bergmeisteren for Svalbard, Postboks 3021 Lade, 7441 Trondheim.

Delar av høyringsfråsegner kan bli siterte i vedtaket om å gi konsesjon eller ikkje. Dersom fråsegna er omfattande, er det derfor ein fordel om det blir utarbeidd eit samandrag som kan brukast til dette.

Med helsing

Erlend Alvestad
overingeniør

Maria Teresa Martinez
rådgjevar

Dokumentet er elektronisk signert og har difor ikkje handskrivne signaturar.
Sakshandsamar: Maria Teresa Martinez



Mottakarakar:

Åmund Nesland AS	Skoglund	4754 BYKLE
Bykle kommune	Rådhuset	4754 BYKLE
Aust-Agder fylkeskommune	Postboks 788 Stoa	4809 ARENDAL
Fylkesmannen i Aust- og Vest-Agder	Postboks 788 Stoa	4809 ARENDAL
Statnett SF	Postboks 4904 Nydalen	0423 OSLO
Norges vassdrags- og energidirektorat	Postboks 5091 Majorstua	0301 OSLO
Statens vegvesen Region sør	Postboks 723 Stoa	4808 ARENDAL
Silje Rygnestad Nesvaag	Setesdalsvegen 4063	4754 BYKLE
Olav Byklum	Setesdalsvegen 4065	4754 BYKLE
Tor Hallvard Møsdøl	Livegen 6	4754 BYKLE
Jorunn Hoslemo Hagestad	Setesdalsvegen 4057	4754 BYKLE
Bjørn Erling Auestad	Glidbjørgsvegen 15	4754 BYKLE

Kopi til: